

Райпон тооцана хург

Шидрхи, Каспийск района центрт пайшикудин хург болв. Эн хург деер райпон ахлач ур С. Менкеев 1957 джилä тооцагъан õгв.

— Района оln улсиг хот-хоолар, эд-таврар болн тосхлтин материалар тетклгънä кõдлмш му бишäр кегдв. 1957 джилд эд-тавр хулдлгъна зура 110,3 процент, оlnа хот-хоолин зура 113,2 процент кӯцäгдв.

Болв райпон кõдлмшт дуту-дунднъ чигн билä. Гæргъгдх гарунь 388 минъгън арслнъ зурагъасн улугäр гаргъгдв. Кемрджән, 1957 джилин январин 1-д эс хулдгдсн 7363,4 минъгън арслнъга эд-тавр бзäсн болхла, 1958 джилин январин

негнд 7608,8 минъгън арслнъ болв, эс гидж 1958 джилд, нидн джилинlä дунъгцулхlä, 245 минъгън арслнъга эд-тавр улӯ улдсн болджана. Тер учрар зäрм эд-таврмуд эврәннъ унән гееджәнä. Кооперацд орулдж авлгъна зура 33,3 процент кӯцäгдв.

Райпо 1957 джилä кõдлмштән ик гидг дуту-дунд гаргъв. Улан-Хол станц деер ирсн тосхлтин материалмудиг станц деерäснъ хулдна, тер хулджах моднъ тосхлтд керг уга, õмкрсн-урнъкä болна, теругинь оч авх маши хääхлä, олдхш. 133 минъгън арслнъга, 700 тонн му нӯурс хулддж авч ирснäсн, нег чигн килограмм нӯурсн хулдгдсн уга. Каспийск райпо Кõк тенъгсин кõвал бää-нä. Тер бийнъ оln-äмтид загъс хулдхш. Кесг минъгън дууна газрас атлантическ мä авч ирдж хулдна, терунд немргару гилж загъсна унинь икдӯлнä. Эн дуту-дундиг шин сунъгъгдх райпон правленä гардачнр меддж, даругъас уурулх зõвтä гидж эн хургг орлицхасн пайшикуд келдхäv.

С.-Г. ГОШЕНДАНОВ.